



# Leeto la Sekolo la ho ya Motse Kapa

Sesotho

Notozi Mgobozi



# **Leeto la Sekolo la ho ya Motse Kapa**


E ngotswe ke Notozi Mgobozi  
Motaki wa ditshwantsho ke Dale Blankenaar



E fetoletswe ke Mpho Ntaka

Mosuwehlooho wa sekolo o ile a tshepisa baithuti ba bang ba ne ba sa thabela sena hore ba tla ya Motse Kapa selemong se tlang. Lebaka la ho dumella baithuti ba sehlopha sa boraro fela, e ne e le hore baithuti ba bang ba sa le banyenyane dilemong ho ka nka leeto leo. Ha dikolo di kwalwa baithuti ba sehlopha sa boraro ba ne ba thabile ba qalella ho bala matsatsi a seng a setse ho fihlela ba nka leeto la bona.

Ba bang ba baithuti ba ne ba thabile hoo ba neng ba sitwa le ke ho tsepamisa maikutlo a bona dithutong ka phaposing.






Mosuwehlooho wa sekolo ha a ka a ba bolella hore ba tla tsamaya ka sefofane se tlohang motsemoholo wa East London ho ya Motse Kapa.

Ka lebaka la ho tsamaya ka sefofane, ho ile ha eba le tlhahiso e makatsang ya hore ba se ke ba reka dijo hobane baithuti ba ne ba tlo fuwa dijo ka sefofaneng.

Seo se entswe ka lebaka la ho fokotsa ditjeo tsa ho reka dijo le tse ding tse ngata ho fapana le ha ba ne ba tla sebedisa bese.



Baithuti ba ne ba le motlotlo ka leeto la bona, e mong le e mong wa bona a ithorisa ka seo a se reketsweng ke batswadi ba hae bakeng sa leeto lena.





Ka Mantaha letsatsi pele ba tloha, baithuti ba ile ba hopotswa hore ba seke ba ikgathatsa ka ho lokisa dijo tsa tsela. Ka letsatsi le hlahlamang ha ba fihla sekolong pele ba tloha, ba ile ba thaba haholo ha ba bona ditekesi tse pedi di ba emetse ka jareteng ya sekolo esale hoseng. Bana ba ne ba feleheditse ke batswadi ba bona ba apesitse ka dikobo hobane e ne e le hoseng ho bata.





Ba bang ba baithuti ba ne ba nkile dikobo tse boima le hoja batswadi ba bona ba ne ba tseba hore ha ba lokela ho tla ka tsona. Baithuti ba ne ba dumeletswe ho nka mokotlana o nang le diaparo tsa bona feela.

Kaofela ha bona ba ne ba maketse hobane ho ne ho se le ya mong wa bona ya neng a tseba hore ba ya Motse Kapa ka sefofane.

Ba bang ba bona ba ile ba qala ho lla hobane ba ne ba tshaba sefofane, ha ba bang ba ne ba thabile hobane ba ne ba qala ho palama sefofane.





Matitjhere a ile a tshedisa le ho kgothatsa baithuti ba neng ba lla ba tshaba ho palama sefofane.

Mosuwehlooho wa sekolo o ile a ba kgalemela a ba tshosa ka hore ba tla tshwarwa ke mapolesa ha ba dulela ho lla. Kaofela ba ile ba kgaotsa ho lla mme ba kena boemafofaneng.

Baithuti ba ne ba qamaka hohle ba makaditswe ke dintho tseo ba neng ba qala ho di bona.





Ha sefofane se ntse se eme, baithuti ba ile ba tsamaya ka mola ho ya palama. Batho ba bang ba ne ba se ba dutse ka sefofaneng.

Baithuti ba thuswa ke bahlokomedi ba sefofane ho ba tlama ka mabanta a polokeho hore ba sireletsehe.

Ba bang ba ne ba se ba dutse ba qamaka ka ho makala, ba bang ba ne ba shebahala ba sa thaba ebile ba tshohile.

Ha nako ya hore sefofane se tsamaye e fihla, mokganni wa sefofane o ile a ema ka hare ho sefofane a ba bontsha melao e tlwaelehileng ya sefofane.

Hara baithuti ba neng ba tsamaya ka sefofane e mong e ne ele Kabelo ka lebitso, yena o ne a le dilemo di robong. Kabelo o ne a nkile khamera a nka tsona ditshwantsho. Mohlokomedi wa sefofane o ile a mmolella hore a dule fatshe mme a itlame ka lebanta la polokeho, o tla nka ditshwantsho ka nako e dumeletsweng. Kabelo o ile a dula fatshe a shebahala a nyahame le khamera e leng molaleng wa hae. Ha sefofane se tloha baithuti ba bang ba ile ba qala ho lla ke tshabo. Ba ile ba thodiswa ke bahlokomedi le bapalami ba dutseng pela bona.



Moshanyana e mong ya neng a dutse pela fensetere o ne a hoeleditse mme a supa ka fensetere a re, “re fofa ka hodima lewatile, re tlo kgangwa ke metsi.” Ba bang kaofela ba ne ba kgutsitse ba shebile kantle ka difensetere ka nako ena kaofela. Leatile ena o ne a patile pakana e tletseng dijo. O ile a bitsa ba bang mme a re, “tlohong re tlo ja nna ke lapile jwale.”





Leatile o ile a koptjwa hore a dule fatshe mme a kwale dijo tsa hae hobane ba ne ba ilo fuwa dijo tse bobebe. Baithuti ba bang ba ne ba tsheha ha a kgalemelwa ke titjhere ya hae.

Leatile o ile a ipolella hore o tlo thabela dijo tsa hae ha a fihla Motse Kapa. Yaba ba fuwa dijo tseo tse bobebe mme ba ja ba thabile.



Sefofane se ile sa dula boemafofane ba Motse Kapa tseleng ya difofane. Baithuti ba ne ba thabile, ba eme ba shebile ka difensetere. Ba bang ba ne ba ntse ba tshohile mme ba tshwerwe ka matsoho ke bapalami ba bang, ba ba thusa ho theoha ditepisi. Ba theoha ho ya lata dithoto tsa bona lebanteng le tsamaisang mekotla, ba ntse hoeletsa ebile ba bontsha thabo. Bese e ne e ba emetse sebakeng sa ho paka makoloi.



Baithuti ba ne ba maketse mme ba nyakalletse ba tseka ditulo tse ka hara bese. E mong le e mong o ne a batla ho fumana setulo se ka lehlakoreng la fensetere hore a bohe le ho bona Motse Kapa hantle. Ha ba fihla hoteleng ya Blue Moon e shebileng lewatleng la Sea Point ba theoha beseng, ba bokella dithoto tsa bona. Ba bang ba ne ba se ba ntse ba hlobola diaparo tsa bona ba batla ho ya sesa lewatleng. Baithuti ba ne ba kopanela diphaposi tsa ho robala ka bobedi. Ba ne ba thabile hape ba shebile thepa ya ka dikamoreng le diphuthelwana tsa bona tsa kamohelo ho tswa ho batsamaise ba hotele.





Kabelo o ile a hoeletsa a re, “ke kopa le se ke la potlaka la itebala banna, lena ke lewatle eseng noka.”

Ba thibe titjhere, ho rialo Nthabiseng. Ena ha se noka, le tla kgangwa ke metsi. Ba ile ba iswa diphaposing tsa bona tsa ho robala ke basebetsi ba hoteleng moo.



Kamora nakwana ba ile ba bitsetswa phaposing ya ho jella bakeng sa ho ja dijo tsa mantsiboya. Baithuti kaofela ba ile ba mathela ditulong le ditafoleng tse ntle bakeng sa dijo tsa mantsiboya. Ba ne ba sa tsebe hantle hore na ba tla kgetha dijo dife hobane dijo tsohle tse neng di behilwe ba ne ba sa di tlwaela. Basebetsi ba hoteleng ba ile ba ba thusa ho kgetha le ho tshela dijo dikotlolong tsa bona. Ka mora hoja baya ho robala, ba itokisetsa ho etela dibaka tsohle tseo ba neng ba rerile ho ya ho tsona nakong eo ba leng Motse Kapa.





Baithuti le matitjhere ba ile ba apara diaparo tsa bona tsa ho ikwetlisa ho ya palama bese e yang boemafofaneng. Ba palama sefofane ka letswalonyana mme ba kgutlela lapeng East London.

Ha ba theoha sefofaneng ba palama ditekesi tse kgutlelang hae bane ba tletse thabo, ba ne ba sitwa ho emela ho fihla hae ho tla arolelana dintho tse ngata tse baithutileng tsona le ba malapa a bona.

Batswadi ba ne ba thabile mme ba ba amohela ka thabo le nyakallo sekolong.

Baithuti ba dihlopha tse ding ba ne ba labalabela monyetla oo wa ho nka leeto ka sekolo nakong e tlang.



# DITEBOHO

**E ngotswe ke**

Notozi Mgobozi

**Motaki wa ditshwantsho ke**

Dale Blankenaar

**Mohlophisi 1**

Ntombi Kayise Njadayi

**Mohlophisi 2**

Nelisa Mviko

**Mohlophisi 3**

Nopasika Xapa

**Moqapi**

PixelPing Design

**Mofetoledi**

Mpho Ntaka

**Mosireletsi wa Boleng**

Matebogo Makhutle





ISBN 978-0-638-00760-2



**basic education**  
Department:  
Basic Education  
REPUBLIC OF SOUTH AFRICA

